



Convenio para concesión dunha subvención directa entre a Axencia Galega de Desenvolvemento Rural (Agader) e a Comunidade de montes veciñais en man común de San Miguel de Orbazai para a reparación de escaleiras e pasarela pilotada de madeira, dentro da categoría de "Promoción e posta en valor da contorna natural da comarca".

Santiago de Compostela, na data da sinatura electrónica.

REUNIDOS

Dunha parte, D. José González Vázquez, conselleiro do Medio Rural, en virtude do seu nomeamento polo Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia (DOG núm. 94, do 16 de maio), na súa condición de presidente da Axencia Galega de Desenvolvemento Rural (Agader), CIF Q1500273F, con domicilio na Barcia, estrada Santiago-Noia, km. 3, 15897, Santiago de Compostela, e no uso das facultades delegadas atribuídas no Acordo do Consello de Dirección da Agader do 21 de xullo de 2021 (DOG núm. 148, do 4 de agosto).

Doutra parte, D. Pablo González Méndez, en calidade de presidente da Comunidade de montes veciñais en man común de San Miguel de Orbazai, con CIF V27116268, en virtude do seu nomeamento na assemblea celebrada o 16 de agosto de 2020.

Ámbalas partes teñen plena capacidade para levar adiante este convenio e,

EXPOÑEN

Primerio.- Que ambas entidades son conscientes da necesidade de favorecer as condicións e o entorno para a mellora da calidade de vida da poboación que permitan por un lado unha adecuada oferta no ámbito do ocio, o deporte, a cultura, e/ou sectores produtivos e permitan así mesmo unha boa gama de servizos básicos que permitan a mellora das condicións de sociabilización e interrelación das parroquias rurais de Galicia dende a premisa principal de garantir a existencia das





infraestruturas básicas para elo e mellorar a estrutura do territorio para fixar a poboación do rural galego.

Segundo.- Que a Axencia Galega de Desenvolvemento Rural creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia Galega de Desenvolvemento Rural está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia Galega de Desenvolvemento Rural quere promover e poñer en valor no ámbito rural galego o patrimonio histórico, a recuperación da terra agraria, a vida social, cultural e educativa, a contorna natural e os produtos agrolimentarios, xa que as actuacións sobre os ditos ámbitos contribúen a mellorar a calidade de vida e a cohesión a vida social e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

A Axencia Galega de Desenvolvemento Rural, no marco das súas competencias e dentro das súas accións estratéxicas, ven apoiando, mediante axudas directas a través de convenios, baixo a denominación de "proxectos senlleiros", diversas actuacións por entender que concorren nelas as características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia Galega de Desenvolvemento Rural aprobou o Acordo polo que se fixan as regras de





tramitación das axudas, mediante concesión directa a través de convenio, do Programa de Proxectos Senlleiros (https://agader.xunta.gal/sites/w_pagade/files/documentacion/acordos/2022_04_2_8_acordo_proxectossenlleiros.pdf), modificado por acordo do 7 de novembro de 2022 do Consello de Dirección da Axencia Galega de Desenvolvemento Rural polo que se modifica a regra 4ª "Entidades beneficiarias dos proxectos senlleiros" onde se engade como entidade beneficiaria dos proxectos senlleiros as Comunidades de montes veciñais en man común (punto 4.2 do Acordo) (https://agader.xunta.gal/sites/w_pagade/files/documentacion/acordos/2022_11_7_certificadosenlleiros.pdf). A regras deste Acordo conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de dúas finalidades esenciais: Mellorar a calidade de vida da poboación e promover a fixación desta nas áreas rurais.

Terceiro.- As Comunidades de montes veciñais en man común, tal como se prevé na Lei 13/1989, do 10 de outubro, de montes veciñais en man común, son aqueles que con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e que se veñen aproveitando consuetudinariamente en réxime de comunidade sen asignación de cotas polos membros de aquelas na súa condición de veciños.

As comunidades de veciños propietarias dun monte veciñal en man común teñen plena capacidade xurídica para o cumprimento dos seus fins e a defensa dos seus dereitos, sobre o monte e os seus aproveitamentos, así como sobre a súa administración e disposición. Trátase, polo tanto, dunha forma de propiedade de terras en común característica de Galicia que pode facilitar a consecución de diversos obxectivos que se pretenden acadar coa execución dos proxectos senlleiros, como, por exemplo, a preservación dos valores sociais e culturais do medio rural, o fomento da recuperación e posta en valor da terra agraria, a promoción dos produtos e a actividade agraria da zona e a xeración de riqueza e emprego.

Dunha interpretación conxunta das normas, non só a lexislación específica senón do conxunto de normas tributarias, societarias e do tráfico xurídico en xeral (Lei 13/1989, do 10 de outubro, de montes veciñais en man común, Lei 7/12 do 28 de xuño, de Montes de Galicia, Resolución da Dirección Xeral dos Rexistros e do Notariado, do 20 de marzo de 2014) conclúese que estas comunidades poden ser titulares de dereitos e poden actuar no tráfico xurídico dun xeito relativamente amplo, sempre vencellando tales actuacións ao cumprimento dos seus fins.





Este recoñecemento de plena capacidade xurídica ás Comunidades de veciños propietarias dun monte veciñal manifesta a súa idoneidade para ser beneficiarias das actuacións de fomento e incentivos das Administracións públicas pola vía da subvención directa, sempre que se trate de actuacións que estean vinculados ao cumprimento dos seus fins sociais, entendidas éstas nun concepto mais amplo que o da mera xestión e administración do monte, ou que redunden en beneficio da comunidade e, sempre e cando, se que cumpran con todos os requisitos establecidos nas convocatorias e bases reguladoras das axudas.

Tendo en conta este recoñecemento legal xenérico para as Comunidades de veciños propietarias dun monte veciñal, os estatutos da Comunidade de montes veciñais en man común de San Miguel de Orbazai, inscritos na sección provincial do Rexistro xeral de montes veciñais en man común con número de rexistro: 0889, regulan a nivel máis específico a organización, disfrute e aproveitamento do monte veciñal en man común coñecido por: SEGADE, COSTA DE VILAR E CINZA, CASTELO, COTÓN E MUSGALLÓN, clasificado pola resolución do Xurado Provincial de Lugo coa data 12 de xullo do 1982 e pentecente ós veciños da parroquia de Orbazai do Concello de Lugo.

Polo tanto, en base a este recoñecemento legal, a Comunidade de montes veciñais en man común de San Miguel de Orbazai ten plena capacidade xurídica para ser beneficiaria dunha subvención directa canalizada a través da figura deste convenio como parte asinante do mesmo, para actuacións definidas no proxecto presentado e que están vinculadas ao cumprimento dos seus fins sociais definidos nos seus estatutos.

Cuarto.- De acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrência pública para a realización desta actuación, e dada a necesidade de atender áreas específicas como a "Promoción e posta en valor da contorna natural da comarca".

O 17 de novembro de 2022 a Comunidade de montes veciñais en man común de San Miguel de Orbazai presentou unha solicitude de colaboración, xunto cunha memoria técnica valorada, para o financiamento dun proxecto senlleiro dentro da categoría "Promoción e posta en valor da contorna natural da comarca".

Xunto coa solicitude, achegou o proxecto técnico de reparación de escaleiras e pasarela pilotada de madeira propón a renovación e arranxo da actual escaleira e pasarela encadrada á beira do Rego Mera, tratando de contribuír á cohesión da vida social no medio rural e a estimular o arraigamento da poboación sobre o territorio que habita mediante o potenciamento de elementos que recuperan a historia e memoria da comarca, fomento da recuperación e posta en valor da terra agraria,





promoción dos produtos e a actividade agraria da zona, dinamización da socioeconomía e cultura da zona revalorizando infraestruturas e inmobles desaproveitados, xerando riqueza e emprego, ademais do fortalecemento do orgullo e satisfacción de pertenza á comunidade rural.

As parcelas onde se realizará a actuación intégrase dentro dos límites e linderos do Comunidade de montes veciñais en man común de San Miguel de Orbazai "Segade, Costa de Vilar e de Cinza, Castelo, Cotón e Musgallón" cuxa xestión lle corresponde á Comunidade de montes veciñais en man común de San Miguel de Orbazai de Orbazai, con C.I.F. V27116268, pertencente aos veciños da parroquia de San Miguel de Orbazai, no municipio de Lugo, na provincia de Lugo.

A subvención directa decídese polo tanto en base a criterios obxectivos que foron fixados mediante o Acordo do Consello de Dirección de Agader do 20 de abril de 2022 polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros. En concreto, na regra 3.-Categorías de proxectos senlleiros, sinala que os proxectos financiados a través do programa deberán pertencer a algunha das categorías seguintes:

D) Promoción e posta en valor da contorna natural da comarca.

- a. Actuar en contornas declaradas como zona de especial protección polos seus valores naturais ou que formen parte da Rede galega de espazos protexidos (Lei 5/2019, do 2 de agosto, do patrimonio natural e da biodiversidade de Galicia).
- b. Mellorar a restauración, a conservación, a protección, o coñecemento, a divulgación ou o uso sustentable do patrimonio natural.

Ademais, o citado Acordo do 20 de abril de 2022 (modificado polo Acordo de 7 de novembro de 2022) sinala como posibles entidades beneficiarias das axudas para os proxectos senlleiros as seguintes entidades públicas ou privadas sen ánimo de lucro que realicen actividades en beneficio da poboación do rural galego:

2. As comunidades de montes veciñais en man común.

Por último, o Acordo do 20 de abril de 2022 tamén sinala que o ámbito territorial de execución dos proxectos senlleiros será o todo territorio da Comunidade Autónoma de Galicia, agás:

- Nas provincias da Coruña e de Pontevedra, as entidades singulares de poboación (unidades de poboación) que superen os 6.000 habitantes.





- Nas provincias de Lugo e de Ourense, as entidades singulares de poboación (unidades de poboación) que superen os 10.000 habitantes.
- Os termos municipais dos concellos de Vigo e da Coruña, tendo en conta que todo o territorio de ditos concellos ten un alto grao de influencia urbana, derivada da presenza das dúas cidades galegas máis grandes.
- Os parques empresariais situados no territorio dos concellos de Ourense, Santiago de Compostela, Lugo, Ferrol e Pontevedra.

En consecuencia, o citado proxecto ten cabida no Programa de proxectos senlleiros da Axencia Galega de Desenvolvemento Rural, xa que, conforme ao citado Acordo do 20 de abril de 2022 do seu Consello de Dirección, contribúe a cohesionar a vida social no medio rural e a estimular o arraigamento da poboación sobre o territorio no que habita mediante a consecución dos seguintes obxectivos:

- Dinamización da vida socioeconómica da zona.
- Mellora da relación social dos veciños.
- Preservación dos valores sociais e culturais do medio rural
- Revalorización de infraestruturas.
- Satisfacción de necesidades e aspiracións da veciñanza.
- Fortalecemento do orgullo e satisfacción de pertenza á comunidade rural beneficiaria do proxecto.

Polo exposto, o proxecto presentado pola Comunidade de montes veciñais en man común de San Miguel de Orbazai, dentro da categoría "Promoción e posta en valor da contorna natural da comarca", cumpre cos criterios obxectivos e subxectivos necesarios que xustifican o financiamento desta actuación a través dunha subvención directa e motivan a súa formalización a través deste convenio.

En consecuencia, as partes, asinan este convenio para a concesión dunha subvención directa, de acordo coas seguinte

CLÁUSULAS

PRIMEIRA.- Obxecto e actuacións

O obxecto do presente convenio é o financiamento do proxecto presentado pola Comunidade de montes veciñais en man común de San Miguel de Orbazai dentro do Programa de Proxectos Senlleiros da Axencia Galega de Desenvolvemento Rural.





O proxecto consiste na reparación de escaleiras e pasarela pilotada de madeira de conformidade co disposto na memoria do mesmo onde se desagregan os traballos a desenvolver durante a reparación de escaleiras e pasarela pilotada de madeira que se consideran máis apropiadas para a zona que será obxecto das actuacións.

SEGUNDA.- Actuacións a realizar

As actuacións a realizar son as que se relacionan no plan de traballo que se achega a este convenio como Anexo I (Plan de traballo).

O obxectivo é renovar e arranxar a actual escaleira e pasarela encadrada á beira do Rego Mera, tratando de contribuír á cohesión da vida social no medio rural e a estimular o arraigamento da poboación sobre o territorio que habita mediante o potenciamento de elementos que recuperan a historia e memoria da comarca, fomento da recuperación e posta en valor da terra agraria, promoción dos produtos e a actividade agraria da zona, dinamización da socioeconomía e cultura da zona revalorizando infraestruturas e inmobles desaproveitados, xerando riqueza e emprego, ademais do fortalecemento do orgullo e satisfacción de pertenza á comunidade rural.

Ao abeiro do presente convenio considéranse actuacións subvencionables os investimentos e gastos realizados polo beneficiario que estean encadrados nos conceptos e cumplan as condicións que se detallan no Anexo I (Plan de traballo).

TERCEIRA.- Obrigas da Comunidade de montes veciñais en man común de San Miguel de Orbazai

A Comunidade de montes veciñais en man común de San Miguel de Orbazai comprométese a facer constar en toda a publicidade -tanto impresa como audiovisual- a colaboración da Agader e a Xunta de Galicia, para o que utilizará a normativa da imaxe corporativa da propia da Agader. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, polo que se aproba o Regulamento da Lei 9/1997, en canto non se opoña á lexislación anterior. Con carácter supletorio, será de aplicación o disposto na Lei 38/2003, xeral de subvencións, e no seu regulamento, aprobado polo Real Decreto 887/2006, do 21 de xullo.





O beneficiario deberán dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

O beneficiario ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Tribunal de Contas e ao Consello de Contas.

A Comunidade de montes veciñais en man común de San Miguel de Orbazai deberá presentar declaración responsable, para proceder á sinatura do convenio e despois para o seu pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da Lei 9/2007, de subvencións de Galicia, e no artigo 11 do Decreto 11/2009, polo que se aproba o regulamento da citada lei.

A sinatura deste convenio implica, de ser o caso, a autorización a Agader para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

A obrigación da Comunidade de montes veciñais en man común de San Miguel de Orbazai de presentar a certificación prevista no artigo 10 do Decreto 11/2009, polo que se aproba o regulamento da Lei 9/2007, de subvencións de Galicia, poderá ser substituída pola declaración responsable do solicitante de acharse ao corrente no cumprimento das obrigacións tributarias ou fronte á Seguridade Social e de non ter pendente de pago algunha outra débeda coa Administración pública da comunidade autónoma artigo 11 do Decreto 11/2009, polo que se aproba o regulamento da citada lei.

A Comunidade de montes veciñais en man común de San Miguel de Orbazai comprométese a destinar os fondos percibidos ao obxecto concreto para o que foi concedida a subvención, que non poderá ser inferior a 5 anos sempre e cando se





trate de bens inventariables nun Rexistro público. Agader poderá comprobar, cando o considere pertinente, a execución das actividades obxecto deste convenio.

CUARTA.- Financiamento

O gasto total das actuacións do proxecto de reparación de escaleiras e pasarela pilotada de madeira a desenvolver polo beneficiario no marco deste convenio, de acordo co orzamento previsto no presuposto que se inclúe no proxecto presentado, ascende a trinta mil oitocentos cincuenta e cinco mil euros (30.855,00 €), para a anualidade do 2023.

A concesión desta subvención directa entre a Agader e a Comunidade de montes veciñais en man común de San Miguel de Orbazai, por medio da figura do convenio, realizadarase mediante a tramitación anticipada de gasto, que ten sustento na Orde do 11 de febreiro de 1998 pola que se regula a tramitación anticipada dos expedientes de gasto, modificada pola Orde do 27 de novembro de 2000 e pola Orde do 25 de outubro de 2001, que posibilita a tramitación anticipada destes expedientes de gasto imputables ao capítulo VII no exercicio inmediatamente anterior ao dos orzamentos con cargo aos cales se vaian imputar os correspondentes gastos, sempre que exista crédito adecuado e suficiente no proxecto de Lei de orzamentos xerais aprobado polo Consello da Xunta de Galicia. De acordo con esa normativa, a tramitación anticipada poderá chegar como máximo ata o momento anterior ao da disposición ou compromiso do gasto. Todos os actos de trámite ditados en desenvolvemento da orde citada enténdense condicionados a que, unha vez aprobada a Lei de orzamentos xerais da Comunidade Autónoma de Galicia para o ano 2023, subsistan as mesmas circunstancias de feito e de dereito existentes no momento da aprobación desta convocatoria.

Para o desenvolvemento desas actuacións, a Axencia Galega de Desenvolvemento Rural concede á Comunidade de montes veciñais en man común de San Miguel de Orbazai unha subvención directa a fondo perdido por un importe de 30.855,00 € euros para a anualidade 2023.

A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Comunidade Autónoma de Galicia para a anualidade 2023 (tramitación anticipada de gasto) a través dos mecanismos previstos no ordenamento xurídico, que inclúen o cumprimento por parte do beneficiario dos requisitos legais para ser beneficiario.





Aplicación orzamentaria 14.A1.712A.781.0 dos orzamentos xerais da Comunidade Autónoma de Galicia para o ano 2023 , código de proxecto 2017-00003.-"Actuacións senlleiras de mellora do patrimonio rural".		TOTAL
Importe (anticipada de gasto)	2023	30.855,00 €
	30.855,00 €	

Os importes da subvención serán aboados trala presentación da documentación xustificativa da realización das actuacións financiadas (presentada no prazo e coas condicións indicadas na cláusula correspondente do presente convenio) e da emisión do correspondente informe técnico favorable por parte da Axencia Galega de Desenvolvemento Rural, que poderá recorrer, se o considera necesario, a o apoio de expertos externos.

Nos importes indicados entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

A achega conveniada trátase dun importe certo, quedando por conta do beneficiario a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

En aplicación do artigo 63 do Decreto 11/2009, do 8 de xaneiro, polo que se aproba o Regulamento da Lei 9/2007, de subvencións de Galicia, Agader poderá efectuar pagos anticipados, que suporán a entrega de fondos con carácter previo á xustificación, naqueles casos en que o investimento esixa pagamentos inmediatos ata un importe máximo do 50% da cantidade total subvencionada. Este anticipo non poderá superar o importe previsto para cada exercicio orzamentario. A concesión do anticipo farase mediante resolución motivada.

O pagamento restante realizarase no momento da completa xustificación pola Comunidade de montes veciñais en man común de San Miguel de Orbazai do cumprimento da finalidade e demais condicións establecidas no convenio.

A Comunidade de montes veciñais en man común de San Miguel de Orbazai tamén poderá solicitar pagos á conta, conforme ao artigo 62 do Regulamento da Lei de





subvencións, que responderán ao ritmo de execución das actividades subvencionadas aboándose pola contía equivalente á xustificación presentada.

O importe conxunto dos pagos á conta e dos pagos anticipados que se concedan non poderá exceder do 80% da cantidade subvencionada, ou sexa, vinte e catro mil seiscentos oitenta e catro euros (24.684,00€).

O artigo 65.1 do Decreto 11/2009, polo que se aproba o Regulamento da Lei 9/2007, do 13 de xuño, de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados.

O réxime de garantías será o previsto nos apartados 2 e 3 do artigo 67 do citado Decreto 11/2009. En consecuencia, a garantía constituirase mediante seguro de caución prestado por entidade aseguradora ou mediante aval solidario de entidade de crédito ou sociedade de garantía recíproca que deberá alcanzar como mínimo ata os dous meses seguintes á finalización do prazo de xustificación previsto no convenio. A garantía deberá cubrir o 110% do importe das cantidades aboadas á conta ou das cantidades anticipadas.

No caso de que a Comunidade de montes veciñais en man común de San Miguel de Orbazai solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

QUINTA.- Xustificación dos gastos

O beneficiario xustificará ante a Axencia Galega de Desenvolvemento Rural a realización das actuacións recollidas no Anexo I (Plan de traballo) por un importe total previsto de 30.855,00 € (detallado no Anexo II) da seguinte forma:

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007, do 13 de xuño.

A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% da contía concedida rematará o 10 de novembro 2023, sen prexuízo de que as actividades subvencionadas sexan as executadas a partires do 1 de xaneiro de 2023.





Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Axencia Galega de Desenvolvemento Rural requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente.

A falta de presentación da xustificación nos prazos establecidos nesta cláusula comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A conta xustificativa da subvención presentarase electronicamente na Carpeta do cidadán da persoa solicitante/representante;

<https://sede.xunta.es/carpeta-do-cidadan> e incluírá a seguinte documentación:

- Certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida
- Facturas expedidas polas empresas adxudicatarias dos traballos relacionados co obxecto deste convenio achegando xunto coas mesmas o comprobante de pago efectuado e certificacións ou calquera outro documento con validez xurídica que permita a acreditación do cumprimento da finalidade da subvención.
- Unha relación detallada doutros ingresos ou subvencións que financiarán a actividade subvencionada con indicación do importe e o seu orixe.
- Informe favorable de autorización da Xefatura Territorial de Lugo da Consellería de Cultura, Educación, Formación Profesional e Universidade para a rehabilitación da pasarela da parroquia de Orbazai
- Informe favorable de autorización da Confederación Hidrográfica Miño-Sil, respecto da posible afección do proxecto ao dominio publico de augas.
- Permisos, licenzas e outras autorizacións que resulten preceptivos segundo a lexislación vixente.
- Informe favorable da Xefatura Territorial de Lugo da Consellería de Medio Ambiente, Territorio e Vivenda, sobre a posible afección do proxecto á Reserva da Biosfera Terras do Miño.
- Acta de recepción.
- Aclaracións ou informes relativos á xustificación do investimento que o órgano xestor considere convenientes.





A presentación desta información é requisito imprescindible para a tramitación do pagamento, devolvendo toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia (modificado pola Lei 12/2011, do 26 de decembro, de medidas fiscais e administrativas).

No caso de que a entidade concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, do 13 de xuño, de subvencións de Galicia, e na Lei 9/2017, do 8 de novembro, de contratos do sector público.

De conformidade co previsto na Lei 9/2007, de subvencións de Galicia, para efectos desta xustificación consideraranse os gastos realizados durante o ano 2023, dende o 01 de xaneiro de 2023 ata o 10 de novembro de 2023 data tope de xustificación da axuda, que respondan á natureza da actividade subvencionada.

No caso de que a Comunidade de montes veciñais en man común de San Miguel de Orbazai non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

SEXTA.- Compromiso de participación das mulleres.

Mediante o presente convenio as partes asinantes asumen un compromiso de fomento da participación das mulleres tanto no seu ámbito de actuación como nos seus órganos de decisión.





SÉTIMA.- Causas de resolución

O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando concorran algunhas das causas previstas no artigo 33 da Lei 9/2007, de 13 de xuño, de subvencións de Galicia.

OITAVA.- Publicidade

As partes asinantes deberán cumprir coas obrigas derivadas da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Comunidade de montes veciñais en man común de San Miguel de Orbazai acepta e consente a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público, e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no Decreto 126/2006, do 20 de xullo, e no Decreto 132/2006, do 27 de xullo.

NOVENA.- Xurisdición

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia, e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.





DÉCIMA.- Vixencia

O período de vixencia deste convenio será dende a súa sinatura e ata 27 de novembro de 2023, sen prexuízo de que as actividades subvencionadas sexan as executadas a partires do 01 de xaneiro de 2023.

DÉCIMO PRIMEIRA.-Comisión de Seguimento

Para o seguimento do convenio e da súa execución, así como para propoñer solucións aos conflitos que poidan xurdir na aplicación e interpretación das cláusulas do convenio, constituirase unha comisión de seguimento que estará integrada por un representante designado pola e un representante designado pola Axencia Galega de Desenvolvemento Rural.

DÉCIMOSEGUNDA.- Notificación electrónica

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións.





En proba de conformidade, asínase o presente convenio no lugar e data arriba indicados.

José González Vázquez
(P.D. Acordo do Consello de
Dirección do 21.07.2021)
Presidente da Axencia Galega
de Desenvolvemento Rural

Pablo González Méndez

Presidente da Comunidade de
montes veciñais en man común de
San Miguel de Orbazai





ANEXO I: Plan de traballo

A lonxitude de actuación extraída a partires do tratamento e o análise da información vectorial nun software GIS, tivo como resultado un total de 107,5 m.

As actuacións a realizar son as seguintes:

Reparación de escaleiras de 42,5 m. e 65 m. de pasarela pilotada de madeira con madeira tratada de pino, ancho de escaleira 85 cm. de espesor e ancho de pasarela de 1,5 m. tarima de paso de 45mm. de espesor, con malla enreixada dobre torsión cravada sobre a mesma. Os tramos para reparar incluen a valla lateral por uns dos lados.

ANEXO II: Orzamento total e por anualidades/Descrición de partidas

Reparación in situ de escaleira, con madeira tratada de pino, ancho de escaleira de 0,85 metros e 45 mm de espesor de tarima, inclue valla lateral. metros 42,5.
Importe total: 9.883,72 € (11.959,30 IVE incluído)

Reparación in situ de pasarela con madeira tratada de pino, ancho de senda de 1,5 metros e 45 mm de espesor de tarima, incluye valla lateral. metros 65.
Importe total: 15.616,28 € (18.895,70 IVE incluído)

Orzamento total: 25.500,00 + IVE (21%)=30.855,00 €

